

مكة ودارالدين

۱۹ نجى سنه

سنه ۱۳۱۷

جزء ۹۰، عدد :

استقلال سلطنت عثمانیه نك ۶۰۰ نجى سنه صحیحہ سی، ایچنده بولندیغمز
۱۹۰۰ نجى سنه میلادیه تصادف ایدیور.

6^{me} Centenaire de la Fondation de l'Empire Ottoman,

22 Septembre 1300 — 22 Septembre 1900.

هجرة سنه حضرت پیغمبری اصح اقواله کوره اتفاقات حسنه دن اوله رقی شمسک
میزان برجسته انتقال ایتدیگی، یعنی تساووی لیل ونهار خریفی اولدینی کونده
شرفواق اقلمشدر .

اؤکون ایسه میلاد مسیح ۶۲۲ نجى (سبته مبر) آینک (یعنی ایلول
افرنجینک) یکر منجی بازار ایتسی ایدی که . شهر عربیه دن ده ربیع الاولک سگری
ایدی .

بناء علیه سنه شمسیه هجریه یی تقویم ایدنلرک، (یعنی بوعبد عاجز ایله غازی مختار
باشا حضرتلرینک) مبدأ تاریخ هجرة اولمق اوزره قبول ایتدکلری کون . بؤیوم
مقدسدر .

مؤسس بنیان سلطنت، غازی سلطان عثمان خان حضرتلرینه سلطان علاء الدین
سلجوقی طرفدن طبل و علم ارسالیله برابر ، استقلال سلطنت عثمانیه نك تصدیق

هجرت قریه نك ۶۹۹ نجی سالنه تصادف ایستدیگی ارباب تاریخ عندنده متفق علیهدر.
 حتی سلطان عبدالعزیز خان حضرتلری نشان جلیل العوان عثمانی بی احداث
 بیوردقلری زمان ظهر نشانه. بؤگا اشارت اولقی اوزره ۶۹۹ رقتك نقشنی دخی
 فرمان بیور مشلردرکه. ایوم بؤ نشان عالی بؤ تاریخی حاوی اوله رق اعمال اولخقه در.
 ایشته بؤ ۶۹۹ سنه قریه سی، سنه صحیحه هجریه نك ۶۷۹ نجی سنه سنه تصادف
 ایدرکه. مقابلی اولان سنه افرنجیه دخی ۱۳۰۰ سنه سیدر.

بؤ حالده استقلال عثمانیان، ایچنده بولدوغز ۱۲۷۸ سنه شمسیه سنده ۶۰۰ زنجی
 ساله بالغ اولمشدرکه ۱۹۰۰ سنه افرنجیه سی ایلولك ۲۲ نجی گونی ۶۰۱ زنجی
 سال استقلالزه دخول ایدیله جکدر.

شمعی بوحسابه کوره تصادفات حسنه دن ایکی وقعه جلیله دها تجلی ایتمکده در:
 آنك برنجیسی ذات حضرت پادشاهینك یوم ولادت هایونلری درکه. ۱۲۵۸
 سنه قریه سی شعبانك ۱۶ نجی گونی شرف واقع اولمقلنی حسبله میلادك ۱۸۴۲ نجی
 سالی ایلولك ۲۲ سنه. یعنی مشرکین قریشدن صیانت مسلمین ایچون اختیار
 بیوریلان هجرت پیغمبرینك شرف واقع اولدینغی یوم مقدسه تصادف ایتمشدر.
 ایکنجیسی ایسه جلوس هایونلرینك ۱۹۰۰ زنجی سنه میلادیده، یعنی بلا کسر
 ۱۹ عصره بالغ اولان تاریخ میلادیده حساب شمسی ایله ۲۵ نجی سالی تیناً ادراك
 ایدیشمزددر.

بوراده توضیح مرام ایچون حسابمزی بردها تکرار ایدلم:

۱ زنجی سنه هجریه شمسیه نك مقابلی ۶۲۲ نجی سنه میلادیده در.

قریه ۶۹۹ | زنجی سنه هجریه لرینك مقابلی ایسه ۱۳۰۰ سنه میلادیه سیدر.

بزه لازم اولان سنه، سنه قریه اولیوب سنه شمسیه اولدیغندن ۶۷۹ نجی
 سنه هجریه ده واقع اولان مبداء سلطنت بؤ ۱۹۰۰ سنه سنده ۶۰۰ نجی سنه سنه
 بالغ اولمشدر.

جلوس هایون حضرت پادشاهی به گلنجه: معلومدرکه ۱۲۹۳ سنه هجریه سیله



مؤسس بنیان سلطنت . سلطان عثمان خان غازی حضر تلی

تاریخ استقلال سلطنت } ۶۹۹ هجری قمری | ۱۲۷۹ شمسی
 } ۶۷۹ هجری قمری | ۱۹۰۰ میلادی
 } ۱۳۰۰ میلادی

مقابل شمسی اۆلان ۱۲۵۵ سنه هجریه سنه واقع ۱۸۷۶ سال میلادی سنه در .
 بوحسابجه جناب شوکتآب پادشاهینک یگر می بشنجی دوره جلوسیه لری دخی
 ۱۲۷۹ نجی سال شمسی به و بؤاعتبار ایله اون طقوزنجی عصر میلادی ایله یگر منجی
 عصر میلادی به مصادف اۆلنور . بناء علیه کرک هجرى قری اعتباریه ۱۳ نجی
 و اون دردنجی عصر اسلامی پی و کرک تقویم میلادی حسابیه ۱۹ زنجی و یگر منجی
 عصر لری ایام سلطنت هایونلرنده جمع و ادراک بیورمش اۆلقلری حیثیله حضرت
 عبدالحید خان ثانی به بحق پادشاه صاحبقران اطلاق شایاندر .

اقوام غربیه ده بومثللو وقایع ملیه و تاریخیه و باخصوص دوره جلوسیه کی
 تصادفات حسنه صورت مخصوصه شملکر ترتیبیه شهر آیین اجراسی و مدار
 تذکار اۆله حق مبانی و سائر آثار و علامات اتخاذی عادات مرعیه دندر .

اقوام سالفه ده دخی بوقاعده جاری ایدی . حتی قدیم ایرانیلرک (جشن) نامی
 و بردکاری ایام مخصوصیه . بؤکی تصادفات حسنه دن طولانی مراعات اۆلنوردی .
 ایسوم اوروپا ایلر ، حکمدارلرینک یگر می بشنجی ، اللنجی دوره قعودیه لرده .
 دوره ازدواجلرنده بؤله شملکر ترتیب ایدرلر . و قیچ و نظفر و یا دفع خطر کی
 تاریخه عائد وقایع مشهورلرینک هر یوزنجی سنه سنه و سبیه تذکار اۆلمق اوزره
 شهر آیدلر اجرا ایلرلر .

حتی شؤبقین زمانلرده بؤمثللو وقایع مشهوره دن برقاجنه تصادف اولمش ایدی :
 کچن ۱۸۸۳ سنه می و یانه محاصره ثانیه سنک — که قره مصطفی پاشا طرفدن اجرا
 ایدلمشیدی — ایکی یوزنجی سنه سنه مصادف اۆلمسندن طولانی آوستریا — مجارستانده
 اۆکون فوق العابه شملکر اجرا ایدلمش و ۱۸۸۸ و ۱۸۹۸ سنه لری آوستریا
 ایمپراطورینک قرقنجی و اللنجی و ۱۸۸۷ و ۱۸۹۷ سنه لری انگلتره قرالجه سنک
 اللنجی و آلمشنجی دوره قعودیه لرینه تصادف ایتدیگندن ، مصادف اۆلدیغی گونلرده
 (ژوبیله) لری یا یلدیغی کی اۆکون ایچون صورت مخصوصه سکالر ضربی و پوسته
 یولی احداثی و حتی بعض اماکن خیریه تأسیسی کی علامات تذکاریه اتخاذ ایدلمشیدی .
 بؤکی احوال قومیه و ملیه مزه عائد خصوصات تاریخیه و وسائل تذکاریه ده

ملتزك كوستردیگی مسامحه حقیقه تعیب اولغنه سزاواردر . اقوامك محافظه شرف و شانی وقایع تاریخیه سنی نظراعتباره آمله حاصل اولور . (پروت) وقعه سی بزه كوره انشانلی ظفرلردن و روسیه لوله كوره انزیاذه شین آور خطرلردن معدود ایكن بز اق و وقعه نك تاریخ وقوعندن بیله بخبرز . روسلر ایسه زكوة ظفر قیلندن اولمق اوزره سردار مظفر مزدن تخلص کریبان ایدن ایمپراطورلری بیوك پترو نامنه اوكون اینچون شملكلر اجرا ایدرلر .

۱۷۰۹ سنه میلادیه سنده واقع اولان (پولتاوا) محاربه سی اسوجلیلر اینچون بریوم مغلوبیت و روسلر اینچون برروز مسرت ایكن هر سنه تموز افرنجینك سكرنده اسوهج یای تختی اولان استقهولمهده مطنطن صورتده شهر آیینلر یاپارلر .

ماحصل بالاده تعداد ایتدیگمز ایام تاریخیه حقیقه تصادفات حسنه دن عداقله جق وقایع فوق العاده دندر . بناء علیه اوگمزهده کی ایلول افرنجینك یگرمی ایکیسنه مصادف اولان (برج میزان) یعنی مبداء هجرت اسلامیان ایلله برابر آتی یوزنجی دوره استقلال عثمانیان و یوم ولادت ایلله یگرمی بشنجی دوره جلوسیه حضرت غازی عبدالحمید خان نامنه اوله رق بؤدرت وقعه خارق العاده بی جامع بر پوسته پولی احدائیلله حکمی برهفته جاری اولمق اوزره اوكون ممالك عثمانیه نك هر طرفده موقع تداوله قونسله و حاصل اولان مبلغ یا صدقه فروشكوه سلطنت اوله رق بر امر خیره و یا خود وسیله تذکار اوله جق بر تاسیس نافع انخادینه صرف اولنسه ، هم بوعصرنك تمایلات مدنیه سنه اقتضا و هم ده اوج درت وقعه تاریخیه مزك شانی بؤ صورتله بقا ایدلمش اولور .

ابوالضیاء توفیق

